

影印

文淵閣

四庫全書

影印

文淵閣四庫全書

第八〇五冊

北京出版集團公司  
北京出版社

# 本册目次

觀物篇解

宋 祝 泌撰……………一

附皇極經世解起數訣

皇極經世書解

清 王 植撰……………二四五

卷首

易學

宋 王 湜撰……………六六七

洪範皇極內篇

宋 蔡 沈撰……………六九七

欽定四庫全書

子部  
觀物篇解卷一

詳校官中書臣葉元符

靈臺郎臣倪廷梅覆勘

總校官降調編修臣倉聖脉

校對官編修臣莊通敏

謄錄監生臣鄧捷成

欽定四庫全書

子部七

觀物篇解

術數類一 數學之屬

提要

臣等謹案觀物篇解五篇附皇極經世解起數訣一卷宋祝泌撰泌字子經鄱陽人自號觀物老人書首署銜稱承直郎充江淮荆浙福建廣南路都大提點坑冶鑄錢司幹辦公事而起數訣內又自署提領所幹辦公事不

欽定四庫全書

觀物篇解  
提要

一

知其終於何官也案朱熹尊經義考有泌所撰皇極經世鈐十二卷此本題作觀物篇解又止五卷與彛尊所記目次不合而別載泌自序一篇所陳大旨又頗與此本義例相近或一書兩名而後人合併之歟又案泌自序末署端平乙未而起數訣序內題淳祐辛丑上距乙未六年在皇極經世鈐已成之後且今起數訣乃單本別行而觀物篇解第四卷

中亦有併以起發用法別載成卷語是當與用法別為一書而用法已佚即起數訣所存亦僅聲韻一譜已非其舊今始附入觀物篇解後以存其概必所言大小運數雖皆歸宿於畫圖其斷法則不專在卦而在四象大旨先用四爻藏閏次用四爻直事大運起泰小運起升於牛思純寶局張行成通變多所駁正然如邵子言四象相交而成十六事必遂創為二十五變之說邵子言始復小父母必遂創為同人起分秒之說皆與經世書乖異不合其推大小運一變不協則再變至三變四變以求協者尤非出于自然至于聲音律呂之學邵子得之其父古古書備見正音叙錄軌轍可尋泌乃取三十六字母之翻切以聲起數以數合卦僅與士道同用求深反淺且聲音韻譜所說以夫普旁母字當字母之

用既屬支離至所云人用分數物用秒數數起同人之類尤為迂曲難解似非盡出於邵氏本意然永樂大典別載有祝氏占例所言實皆奇中陶宗儀輟耕錄載泌精皇極數其甥傳立傳其術為元世祖占卜尚能前知則亦小道之可觀者蓋其學雖宗康節而亦自別有所得故其例頗與經世書不符而其推占亦往往著驗方技之家各挾一術邵子不必盡用易泌亦不必盡用邵子無庸以異同疑也二書世所抄傳間有訛脫諸本並同無從訂正今亦姑仍之云乾隆四十六年十一月

恭校上  
 總纂官 紀昀 陸錫熊 孫士毅  
 總校官 陸費墀

宋 祝泌 撰

皇極經世一

皇大也極已至而不可踰無過不及也屋棟為極高之至也大之又大為太皇極猶太極也康節曰太極道之極是皇極者大道之至如中庸之至至德之至也極有二義至中之極皇極太極是也過

中之極六極是也故極不訓中夫周易祖於洛書用九皇極祖於河圖用十其旨不同今皇極經世古之連山易也洛書以四方四維為八卦之位九疇之五居中立極所謂易有太極也康節先生傳連山於山林隱德之士用天一地二天三地四天五地六天七地八天九地十折而中分之天一至天五居前地六至地十居後其中在五六之間當虛物之所以天五為陽中地六為陰中殆執兩

端而用中焉是所謂無極也然則極之有存於周

易故曰易有太極極之無存於連山故曰無極而

太極康節傳此道於李之才演為經世書六十餘

篇一卷二卷曰元經會三卷四卷曰會經運五卷

六卷曰運經世三節不同乃總名為皇極經世篇

何也元經會總十二萬九千六百年為元觀天之

數也會經運去一元之交數取開物至閉物二百

五十二運以九萬七千二百年為元觀地之數也

運經世以三百六十年為元紀帝王之御極理亂

之變遷人物之泰否觀人之數也載三千年之治

跡百世可知也又其下四卷以律呂聲音之變觀

萬物矣夫康節之書為經綸斯世而作不名之曰

經會經運而曰經世憂世變也或曰河圖用十今

先天八卦乾一兌二離三震四巽五坎六艮七坤

八則止矣九與十何以無卦曰數所分配之卦有

體也卦所不及之數無體也周易不用五而卦卦

有太極皇極不用九與十而歸于一同一道也何也取卦之法若得九數則復為乾是九亦一也用數之法無問十百千萬皆為一是十亦一也聖人法洛書河圖而建極易之有極皇極之無極者皆天道也

觀物外篇曰天數五地數五合而為十數之全也天以一而變四地以一而變四四者有體也一者無體也是謂有極之極也其旨如此蓋天之變四乾兌離震即元會運世也地之變四歲月日時即坤艮坎巽也乾坤各存其本不用故以元經會則用會會經運則用運運經世則用世是會運世皆用而元不用也

欽定四庫全書

觀物篇解

三

以元經會一

元大一統也會數之交也以一元之大數十二萬九千六百分為十二曰會每會一萬八百如一歲之中日月合璧于十二次舍會在元中故曰以元經會一元初分為會如混沌初開天地故為天之數皇極之法分大運小運大運者元會運世如莊周之所謂大時小運者歲月日時如莊周之所謂小時以元經會則元為歲會為月運為日世為時

以會經運則會為歲運為月世為日歲為時以至以運經世皆大運也以歲經月則歲為元月為會辰為運時為世等而下之至日為元時為會分為運秒為世此小運也若以日為元則數大微一秒在瞬息不可分故以歸之律呂聲音而以律呂圖續於後也皇極又斂大為小以一百六十七億九千六百一十六萬為分而當每日一分之數十三億九千九百六十八萬為秒以當每日一秒之數是也大運之元起於子中其干支起於甲與子小時之元起於寅初其干支皆起甲巳蓋於天地未開闢二會半之先而立數於天地已閉物一會半之後而終數先天地而始後天地而終終則又變而通矣

欽定四庫全書

觀物篇解

四

觀物篇一

說大學格物者曰窮理之謂也蓋物物稟此極而生順此極而遂在易卦卦有太極皇極物物有一

元康節之觀物非觀之以目亦觀其稟受之理耳  
邵伯溫曰先君受李挺之義理之學物理之學性  
命之學是格物止於義理之學而觀物乃物理之  
學也康節先生以皇極圓圖觀天觀地觀歷世之  
泰否以皇極方圖觀動物觀植物觀運用之物嘗  
曰今之言數者以數入於術須以數入於理即是  
言也康節之書六十二篇無非皇極之妙蘊而中  
篇以後歸於人事者居半存聖人變理之妙未始  
悉規局於鋪籌布算之間蓋自皇極之分兩圖生  
二儀則一靜一動之判也由二儀而生四象則動  
而陽剛靜而陰柔立天道之陰與陽立地道之柔  
與剛也夫四象也一交於易而生八卦一交於皇  
極而生十六位易以極之四象生八卦皇極經世  
兩各相交為元四象為元會運世  
之元等  
十六位易之八卦再交而生六十四卦皇極十六  
位再交而生二百五十六位易之六十四卦三交  
而為四千九十六卦皇極二百五十六位三交而

為三萬二千七百六十八位至四倍於十三萬一  
千七十二其為相倍之法則一而所以相倍之數  
則殊夫極存於混沌未判之先達於氣質成象之  
表充塞天地貫通今古大造不能外是以生物聖  
人不能違是以開物動植不能舍是以成物而先  
生即是以觀物前六卷備元會運世之變以觀古  
今人物之變泰否之升降損益之進退悉存乎卦  
卦之得位失位得時失時而吉凶生焉若中四卷  
乃自太極而分二中自二中而分陰陽剛柔之太  
少以象八卦陽剛之太少皆十數五中之倍也陰  
柔之太少皆十二數六中之倍也由是倍五中四  
因之得四十為陽剛之體數倍六中四因之得四  
十八為陰柔之體數也乃以其數五除於四十之  
數除十二得二十八為陽剛之用數於四十八之  
數除十得三十八為陰柔之用數以四乘之得陽  
剛之數一百一十二陰柔之數一百五十二相交



而互變始於一萬七千二十四極於二億八千九百八十一萬六千五百七十六以取掛一之二百五十六卦以觀天地萬物之進退盈虛消長顯仁藏用不可誣也康節一元吟曰上下十二萬九千餘六百其間三千年迄今之陳迹吾能一貫之皆如身所歷則康節之所觀天地亦物也古今亦物也形而在下凡有象者皆物也

日甲一月子一升家星甲泰損辰子一初年至三十年一世也

欽定四庫全書

觀物篇解

七

星甲之下分繫兩卦者前一卦是張文饒通變中所定始於世之元之元之元殆若周易元亨利貞而先用貞無是理也以家世所傳改正之而始於元之元之元之元正合先天之理悟皇極者知所擇矣

辰丑二三十一年至六十年二世也

辰寅三六十一年至九十年三世也

辰卯四九十一年至百二十年四世也

辰辰五百二十一年至百五十年五世也

辰巳六百五十一年至百八十年六世也

辰午七百八十一年至二百一十年七世也

辰未八二百一十一年至二百四十年八世也

辰申九二百四十一年至二百七十年九世也

辰酉十二百七十一年至三百百年十世也

辰戌十一三百有一年至三百三十年十一世也

辰亥十二三百三十一年至三百六十年十二世也

欽定四庫全書

觀物篇解

八

此混沌之先一元之初月子一者第一會也星甲一者第一運也辰子一者第一世之始年也內篇曰日經天之元月經天之會星經天之運辰經天之世是日月星辰者元會運世也元與運為陽故取十幹之甲乙至癸即倍五中之陽數為十也會與世為陰故取十二支之子丑至亥即倍六中之陰數得十二也以是陰陽之數繫於觀物篇而此為一元之端四象之首干支之始太一之初

即歷家之正元所自起而皇極四象之所由肇也  
 日甲十千之首也元經會止於日甲經天之元無  
 乙丙以下蓋天地之大元一而已以元經會為觀  
 天之數止於一元是為天法道法自然月子者  
 會數始於子自元枵至姬訾凡日與月躔離於天  
 為會分一元而治者十二也星甲者運數始於甲  
 也周天三百六十度以當三百六十運如一歲十  
 二月有三百六十日謂之星則取周天三百六十

欽定四庫全書

觀物篇解

九

宮也元與運之數屬陽故亦以十千繫之辰子者  
 世數之首四千三百二十世之初以元之十二萬  
 九千六百年三十餘之以為世得四千三百二十  
 世如一歲之時辰數故曰辰子而亦起於一也會  
 與世屬陰故以十二支繫之是謂元之元之元之  
 元或曰會經運經世之元之元至于十二以十  
 二支繫之元經會一而已矣乃以甲繫至于三  
 百六十以甲繫之可也元生生不息繫之以甲存  
 生之義也曰天地大矣窮則變變則道之後不又  
 有元哉此康節先生不窮之旨也蓋亦猶六合之  
 外聖人不議耳泛觀釋典惟劫盡復劫之說與靈

寶經有元洞玉虛龍漢延康之說謂三寶君治三  
 劫而今劫終于甲中共旨固不可曉既曰不議則  
 康節係之以甲亦仁者之  
 用心存此數於無窮者也

星乙二損辰子主三百六十一年至三  
 百九十年十三世也

星乙者第二運也張通變用蒙卦非今正之用損

卦

辰丑吉三百九十一年至四  
 百二十年十四世也

辰寅吉四百二十一年至四  
 百五十年十五世也

辰卯吉四百五十一年至四  
 百八十年十六世也

辰辰吉四百八十一年至五  
 百一十年十七世也

辰巳大五百十一年至五百  
 四十年十八世也

辰午充五百四十一年至五  
 百七十年十九世也

辰未平五百七十一年至六  
 百年二十世也

辰申主六百有一年至六百  
 三十年二十一世也

辰酉主六百三十一年至六  
 百六十年二十二世也

辰戌重六百六十一年至六  
 百九十年二十三世也

辰亥重六百九十一年至七  
 百二十年二十四世也

欽定四庫全書

觀物篇解

十

寶經有元洞玉虛龍漢延康之說謂三寶君治三  
 劫而今劫終于甲中共旨固不可曉既曰不議則  
 康節係之以甲亦仁者之  
 用心存此數於無窮者也

第二運中第二十四世七百二十年也

此數之大運至第二運星經天之乙者也故書星乙之二此時天地未開而畫前有易皇極之卦已  
有攸屬今以損卦附之益月子一星甲一當元之  
元之元之元泰卦則此當元之元之會之元損卦  
而皆在甲巳仲之干支內此則乙子也若辰之子  
為第十三世則以世比時如乙日之丙子時

欽定四庫全書

觀物篇解

卷一

星丙

三大畜

辰子壬

入元七百二十一年  
至七百五十年二十

也 五世

星丙者第三運也通變用蠱卦今改正用大畜卦

辰丑壬

入元七百五十一年  
至七百八十年二十

也 六世

辰寅壬

入元七百八十一年  
至八百一十年二十

也 七世

辰卯壬

入元八百十一年至  
八百四十年二十八

也 世

辰辰壬

入元八百四十一年  
至八百七十年二十

也 九世

辰巳辛

入元八百七十一年  
至九百年三十世也

辰午壬

入元九百一十年至九  
百三十年三十一世

也

辰未壬

入元九百三十一年  
至九百六十年三十

也 二世

辰申壬

入元九百六十一年  
至九百九十年三十

也 三世

欽定四庫全書

觀物篇解

卷一

辰酉壬

入元九百九十一年  
至一千二十年三十

也 四世

辰戌壬

入元一千二十一年  
至一千五十年三十

也 五世

辰亥壬

入元一千五十一年  
至一千八十年三十

也 六世

此第三運之二十五世至三十六世也

星丁 四大畜節一會  
中之第四運

辰子 三十  
七至

辰亥 四十  
八至

此第四運之第三十七世至四十八世也其下  
可以類明之矣

星戊 五節  
九至

辰子 四十  
九至

星巳 六節  
一至

辰亥 三十  
八至

星庚 七節  
三至

辰子 七十  
三至

星辛 八中  
五至

辰亥 八十  
四至

星壬 九小  
六至

辰子 九十  
六至

星癸 十小畜  
歸妹

辰子 百  
八至

欽定四庫全書

觀物篇解

十一

欽定四庫全書

觀物篇解

十四

辰亥 百八元至此百二十世  
十三千六百年

已上是月之會之一經運之星十干一周三千六  
百年乃大造之初先天之首二儀未判混沌之時  
所列十卦即畫前之易卦雖未畫未有名而其理  
已存夫太極包萬有五太肇一元自大朴胚輝之  
始已具元會運世之序如歲月日時之數安得不  
備大易之理乎皇極之元康節以甲一繫之者天  
宗一元為道之先甲首十干為善之長紀之以甲  
仁之端也若地法天與品物流形本同未異初不  
離一元之內故以會經運則地有十二元以運經  
世則人有三百六十元由是以世經歲散為萬物  
至有四千三百二十元等而下之在物有此數則  
有此元初無二本入百二十年之物則以百二十  
年為元犬馬三十年之物則以三十年為元與夫  
朝菌不知晦朔蟪蛄不知春秋隨其分量皆與一  
元以為始終則康節以甲繫之謂雖天之元無乙

丙丁而人物之元有丙丁至癸也未容輕議

張曰乾當

太極以一元為一年坤當元氣以一會為一年人

物以一會為一年天以一運為一年地以一世為

日甲一月子一星甲十一至辰子十二至

亥一百三十二

星乙十二至

癸二十至辰丑一百五十五至

亥二百四十

欽定四庫全書

觀物篇解 卷一

五

右為月會再周十十之數亦三千六百年通前七

千二百年其為卦皆可以掛一圖推之不待悉注

而一會之數猶未竟尚有三千六百年

日甲一月會子一星甲二十一至辰子二百四十一至

亥二百五十二

星乙二十二至

癸三十至辰丑二百五十二至

亥三百六十

自八元以來至此一萬八百年猶是未開天地之時也

右月會之子已三周十幹亦三千六百年通前一

萬八百年而一會之數方終如一歲建子之月當

北方元枵之位又天地胚胎之初如人受母一月

胞命之元高厚未判清濁未分當混沌之時纔經

一會如年中之一月也康節曰一非數也而數自

此而始既命之以數則有卦可知然此卦亦是氤

氲化醇之體初未見於用也而亦有可為之說者

欽定四庫全書

觀物篇解 卷一

五

一元之初卦始于泰則天地交合有通泰之理一

會之終卦循于渙之九二則乾坤將莫有渙大之

基其在先天圖卦一元始於復而一會之卦終于

震震為世卦而乃當三十運之終雷在地中於茲

震動一陽自靜而動其靜不可謂之陰而陽生於

靜中故今言二氣之序曰陰陽義亦以此

凡直運直世直年月卦之次第繫一圖之序其卦

繫於通數內鋪張抽布而成一定之序非如易以

義取凡二百五十六卦四爻直一年若用全卦  
一千五百三十六爻分之得三百八十四之四  
爻於三百六十日之外餘二十四箇四爻此易  
之閏爻也故於每氣之首加四爻以當閏當閏  
者非虛存其日也凡節氣之交必在一日之中  
其未交氣之前時辰則屬前氣了已交氣之後  
合是後氣中一日故每氣十五日而有十六日  
是以於節氣之前存四爻以直之至氣之終雖

欽定四庫全書

觀物篇解

卷一

不滿一日亦當一日而交氣之後所有時辰則  
當後節之閏也歷法歸餘於終皇極存閏於首  
此謂之皇極交法如十二宮方排之只是十二  
至循其外邊之弦數之則每方四位四四而十  
六方矣所以皇極太極圖十六者只是十二支  
之分位斂四位入中也故其實只十二其方則  
十六與此當閏爻一同於皇極而欲用卦者當  
先明此

以元經會二 觀物篇二

康節書有總一書之卷目有分篇旨之卷目元經  
會十二篇會經運十二篇運經世十篇凡三十四  
篇律呂聲音之變化十六篇內十二篇此康節分  
篇之卷數各分次第也康節慮其書之未有統也  
復以觀物篇通一部之數而繫之以總其書六十  
二篇又有外篇二不以觀物繫之書實六十四篇  
也

欽定四庫全書

觀物篇解

卷一

日甲 一月丑 第二會之初

星甲 三十一 辰子 三百六十一世一萬八

此星甲是第三十一運改通變例用渙卦與漸

卦

此第二會之初也大範初轉元氣左行與天自東  
而南元精右轉與日自西而南逆順交流清濁分  
化自一而二相配為儀經運三十一歷世三百六  
十一凡一萬八百餘一年之後於卦為渙漸天氣

既分而渙大地質方滋而漸布會為陰元為陽以陰分陽以魄合日當月丑之會則天地始分兩儀之時也三十一運之卦不全屬渙而又屬漸者皇極存閔於首與歷法歸餘於終不同渙之初二三四爻乃直第二會之閔云

日甲一月丑二星乙

三十二坎漸至

癸辰丑

四十臨

三百六十二至

亥 三百八十世一萬四千四百年

欽定四庫全書

觀物篇解

九

此兩卦主三十二運前一百年十年周坎後一百八十年周漸辰丑是三百六十二世人更一十世至辰亥也

星甲

四十臨謙至

癸辰子

五十剝

四百八十一至

亥 六百八十年

星甲

五十一巽至

癸辰子

六十屯

六百一

亥 七百二十八元至此二萬一千六十年

此第二會之流行又更三十運一萬八百年

既盡星紀之次天開地闢陰降陽升是曰兩

儀而遊魂未動靈識未附覆載之中混合空

同冥冥而性存溟溟大範茫茫而空寂自日

月之外洞然無它物如人含元二月成胎只

有二腎形體未辨是為太初之世卦行於屯

與草屯雷雨滿盈天地草昧時也人之二腎

亦有日月之象醫家以左腎屬水右腎屬火

水乃日火乃月也

凡言星甲至癸者繫十運三千六百年也言

辰子至亥者繫十二世三百六十年也如是

於星甲至癸之下言辰子至亥則包十運亦

三千六百年此書張文饒作變通只言以元

經會之元起升蒙蠱井不曾逐運逐世排卦

故自第一運以後更不註變通卦名

以元經會三 觀物篇三

欽定四庫全書

觀物篇解

三

日甲一月會寅<sup>三</sup>星甲<sup>六十一</sup>

癸<sup>七十</sup>辰子<sup>七百二</sup>  
大過 十一至

亥<sup>八百</sup>  
四十

星甲至癸是十運三千六百年此辰子至亥亦三千六百年前辰子至亥是十二世三百六十年與前不同

乾鑿度曰夫數始於一成於三故二會為兩儀為乾旋坤轉之世三會為三才為人物孕育之世益

欽定四庫全書

觀物篇解

主

天地奠位陰陽旋轉必有妙合凝結之道是生人物隨寓而成逐氣而應自千萬而億兆猶建寅之月三陽亨泰品彙征通其卦革則天地革而四時成者也此會為開物之世不亦宜乎

日甲一月寅<sup>三</sup>星甲<sup>七十一</sup>

巳<sup>七十六</sup>辰子<sup>八百</sup>  
震六三 四十

星甲至巳第七十六運二萬七千三百六十年此七十六運正天地開物之時康節不書者生物

屬乎地也康節曰開物於寅之中乃二月初氣驚

蟄節古者驚蟄在雨水之前唐一行更驚蟄在雨水之後蓋帝出乎震于艮卦終始萬物之後蠢萌畢達雷雨滿盈而生物也

日甲一月寅<sup>三</sup>星庚<sup>七十七</sup>

癸<sup>八十</sup>辰丑<sup>八百四</sup>  
既濟頤 十一至

亥<sup>九百</sup>  
六十

星甲<sup>八十一</sup>

欽定四庫全書

觀物篇解

主

癸<sup>九十</sup>辰子<sup>九百</sup>  
賁 六至

亥<sup>一千</sup>  
八十

此三會開物之時士農工商之人飛走草木之類性情形體之質畢具伏羲氏始畫八卦造書契號曰天皇論者謂天地之初自有三皇伏羲神農黃帝又在其後疑信莫質大率皇與帝在先天六萬

四千八百年之前王與伯在後亦言其大槩耳

道 經有上三皇中三皇次三皇謂之九義其上猶有三皇而後又有三皇授經是則三皇非止伏羲與



開物為九始

元經會之運卦在張文饒之例失其當者張當時只得牛無邪堯即位之世卦升蒙蠱井之說又堯大運在賁之說遂臆料其說而定起例未思康節於元會運世為大運至於起日甲月子卦用未然之卦則從元為首排去也乃用歲月日時小運之例既使日甲月子却用卦氣圖已然之卦以世之元之元之元為首分肇諸運非康節正書也故改正之凡會運世三節皆元之元之元之元為頭既是未然之卦故用日甲月子至於歲月日時之卦却依張之例用世之元之元之元取已然之數而用起日甲月寅恐觀者未知所以改正之旨故書之

以元經會四

觀物篇四

日甲一月卯四星甲九十至第三甲之

癸百二十辰子十一至

欽定四庫全書

觀物篇解

卷一

五釋可以例推

以元經會六

觀物篇六

日甲一月己六星甲一百五至第三甲之

癸百八十辰子百一

辰申二十一唐堯二十

康節先生之書司馬文正公謂法春秋之旨故事在可疑寧缺文而傳信夫五太基於混茫典籍亡

欽定四庫全書

觀物篇解

卷一

於煨燼自唐堯而上吾夫子雖述五帝德篇與管子七十二代封禪之君世本竹書古史皇甫謐之傳雖有無懷大庭諸氏女媧尊盧列代殆無它質正故康節元經會之篇惟始於帝堯上而三皇五帝顯顯可知者特見於觀物內篇而不著於紀年之內夫開物之後人極既立迄是一千四百三十七世矣遠古無傳者四萬三千九十一年非略也斷唐虞之志爾

癸亥一千四百四十